



Ovaj projekat finansira Evropska unija

**OPORAVAK OD POPLAVA
REGIJA ZENICA**


SMJERNICE ZA PODNOŠENJE PRIJAVE I PRIJAVNI OBRAZAC

ZA PODNOSIOCE PRIJAVE NA JAVNI POZIV ZA IZRAŽAVANJE INTERESA

ZA FIZIČKA LICA S PODRUČJA JEDINICA LOKALNE SAMOUPRAVE

MJESNIH ZAJEDNICA Nemila, Bistričak, Topčić polje, Orahovica, D. Gračanica, G.Gračanica, Starina, Šerići, Bistrica, Gornja Vraca, Mošćanica, Perin Han, MZ sa područja Babinskog sliva, Janjića, Krč, MZ sa područja Kočevskog sliva

Sarajevo Juni 2017 godine.



1. Opće informacije o projektu

Sveukupni cilj projekta:

Asistirati u procesu oporavka od poplava

Specifični cilj :


- *Pružiti direktnu asistenciju 41. obitelji u osam najugroženijih područja u regiji Zenica*
- *Pružiti asistenciju u razvoju preventivnih mjera u poplavama te razvoj sistema ranog upozorenja od poplava*

2. Kriteriji za prijavu fizičkih lica

Udruženje ECO IMPULS Sarajevo u suradnji sa Gradom Zenica poziva sva fizička lica koja su pretrpjela materijalnu štetu u poplavama iz maja 2014.godine da podnesu prijavu za učešće u aktivnostima projekta „**OPORAVAK OD POPLAVA
REGIJA ZENICA**”

Prijaviti se mogu fizička lica koja su se bavila ili se bave poljoprivrednom proizvodnjom te koja žive na području jedinica lokalne samouprave odnosno Nemila, Bistričak, Topčić polje, Orahovica, D. Gračanica, G.Gračanica, Starina, Šerići, Bistrica, Gornja Vraca, Mošćanica, Perin Han, MZ sa područja Babinskog sliva, Janjići , Krč, MZ sa područja Kočevskog sliva

Svaki podnositelj/pondositeljica zahtjeva (fizičko lice) treba ispuniti sljedeće kriterije:



1. Da je pretrpio/la materijalnu štetu od poplava (maj 2014. godine) na poljoprivrednim materijalnim sredstvima koja su bila korištena u tu svrhu prije poplava.
2. Da živi u domaćinstvu u kojem su svi članovi nezaposleni, odnosno u kojem samo jedan član ima zaposlenje. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa.
3. Podnositelj/podnositeljica mora raspolagati sa poljoprivrednim zemljištem na kojem će se uspostaviti poljoprivrednu proizvodnju te biti sposobna za obavljanje planirane poljoprivredne proizvodnje. U slučaju poljoprivredne proizvodnje stočarskog tipa podnositelj/podnositeljica moraju raspolagati adekvatnim materijalno-tehničkim sredstvima (adekvatan štalski objekat, pristup).
4. Fizička lica koja su već dobila pomoć druge kroz projekte nemaju pravo prijave na ovaj javni poziv.

5. Dodatni kriterij

1. Podnositelj/podnositeljica prijave živi u domaćinstvu koje ima 5 ili više članova domaćinstva.
2. Podnositelj/podnositeljica prijave je samohrani roditelj.


Odabrani podnosilac/podnositeljica će potpisati ugovor sa Udruženjem ECO IMPULS Sarajevo gdje će biti definisana prava i obaveze po pitanju bespovratne pomoći.

Nepotpune prijave se neće uzimati u razmatranje.

Ukoliko je ukupan broj potencijalnih korisnika koji ispunjavaju navedene uslove veći od brojkorisnika koji mogu biti podržani, prednost se daje višečlanim domaćinstvima te domaćinstvima koja u svom sastavu imaju osobe koje ispunjavaju više kriterija (npr. osobe sa invaliditetom koje dijele domaćinstvo sa osobama bez primanja).

6. Smjernice za prijavu i potrebna prateća dokumentacija:

Nakon što EU Program za oporavak od poplava objavi poziv za podnošenje prijave, sva zainteresirana fizička lica koja žive na području odabranih jedinica lokalne samouprave, mogu preuzeti odgovarajuće obrasce za prijave u zgradi Grada Zenica ili sa web stranice <http://www.ecoimpuls.ba>.



Fizička lica koja ispunjavaju uslove se pozivaju da dostave prijave, uključujući i svu potrebnu prateću dokumentaciju koja je navedena u nastavku, najkasnije do **11.07.2017.** god. do 13:00 sati. Sve prijave slati direktno u ured Udruženja ECO IMPULS Sarajevo, na adresu Eco Impuls Sarajevo, Branilaca Sarajeva 23/2, 71000 Sarajevo.

Prijave koje se dostavljaju moraju biti predane u zatvorenoj koverti naslovljene na „ECO IMPULS Sarajevo – javni poziv pomoć pri oporavku od poplava“.


Za sve dodatne informacije i pojašnjenja tokom perioda podnošenja prijava, podnosioci zahtjeva mogu direktno uputiti pitanja, upite i zahtjeve u pisanoj formi, na broj faksa +387 33 266 501 ili e-mail ecoimpuls@ecoimpuls.ba.

Obrasci s nepotpunim podacima će biti odbijeni (označiti s nulom (0) ako podaci nisu navedeni).

Prijave koje ne sadrže potrebnu prateću dokumentaciju se neće razmatrati.

7. Pored obrasca za prijavu, fizička lica koja se prijavljuju za učešće trebaju dostaviti dodatnu prateću dokumentaciju, koja je navedena u nastavku:

1. Kopija lične karte
2. Prijava CIPS (ne starija od 30 dana, original ili ovjerena fotokopija)
3. Potvrda/prijava o pretrpljenoj materijalnoj šteti
4. Dokaz o vlasništvu nad zemljištem: kopija ZK izvatka ili posjedovni list sa kopijom katastarskog plana na ime podnosioca/podnositeljke ili dokument na osnovu kojeg dokazuje postojanje prava (ugovor o kupoprodaji, ugovor o zakupu, ugovor o poklonu, ugovor o korištenju, pravosnažno rješenje o nasljeđivanju) sa priloženim ZK ili posjedovnim listom sa kopijom katastarskog plana koji glasi na ime davaoca prava; Ugovor mora biti zaključen na najmanje 10 godina. Ugovor NE TREBA biti ovjeren kod notara.



5. Okvirna procjena štete na poljoprivrednom dobru od strane općine/opštine ili druge nadležne institucije
6. Potvrda sa biroa za sve nezaposlene članove domaćinstva ne starija od 30 dana.

Izbor korisnika pomoći na osnovu ovog javnog poziva će vršiti komisija imenovana od strane Udruženja Eco Impuls koja će djelovati na nivou jedinica lokalne samouprave ili grupe jedinica lokalne samouprave. Komisija će razmatrati prijave u skladu sa odredbama ovog javnog poziva.

Rezultati o izboru korisnika projekata bit će objavljeni na oglasnoj ploči Grada Zenica i web stranici <http://www.ecoimpuls.ba>.

Napomena: U slučaju da se kroz terenske posjete i verifikaciju podataka iz prijave dođe do saznanja o lažnom predavljanju i davanju netačnih informacija, podnosioc/podnositeljica prijave će biti isključen/a iz programa.

Sarajevo 27.06.2017.godine

